

**ՊԱՏԱՍԽԱՆԱՏՎՈՒԹՅԱՆ ԱՆԵՈՒՍԱՓԵԼՈՒԹՅԱՆ ԱՊԱՀՈՎՈՒՄԸ
ՔՐԵԱԿԱՆ ԳՈՐԾԻ ՀԱՐՈՒՑՄԱՆ ՓՈԽԼՈՒՄ**

ԱՐԱ ԵՐԵՄՅԱՆ

Քրեական դատավարության ամեն փուլում պատասխանատվության անխուսափելիության լենինյան սկզբունքն ապահովվում է դատավարական, քննչական գործողությունների տարբեր ծավալով և օրինականության նկատմամբ դատախազական հսկողության առանձնահատուկ միջոցներով: Կատարված և նախապատրաստվող հանցագործությունների համար պատասխանատվության անխուսափելիությունն ամենից առաջ ապահովվում է՝ քրեական գործի հարուցման մասին օրինական և հիմնավորված որոշում կայացնելով:

Քրեական գործի հարուցումն անհիմն մերժելու յուրաքանչյուր դեպք հանցագործության դեմ մղվող պայքարի կազմակերպման գործում բացասական հետևանքներ է ունենում: Դա վատ ազդեցություն է թողնում անկայուն անձանց վարքագծի վրա, որոնց մոտ անպատժելիության պատրանք է առաջանում: Այն կործանարար է երիտասարդության և հատկապես անչափահասների հոգեբանության ձևավորման համար. օրինականության վերաբերյալ սխալ պատկերացում է ստեղծվում, նախադրյալներ են առաջանում ավելի ծանր հանցագործություններ կատարելու համար: Հարկավոր է նկատի ունենալ նաև, որ այդ հանգամանքը կոպիտ խախտում է պետական, հասարակական կազմակերպությունների և քաղաքացիների իրավունքներն ու օրինական շահերը: Անվիճելի է, որ եթե քրեական գործի հարուցումն անհիմն և ապօրինի մերժելու փաստերը ժամանակին չեն կանխվում և դա վերածվում է պրակտիկայի, ապա ստեղծված վիճակը սասանում է ոչ միայն իրավապահական մարմինների հեղինակությունը և քաղաքացիների մոտ կասկածանք է առաջանում նրանց օբյեկտիվության ու կարողությունների վերաբերյալ, այլև հետաքննության մարմինների, քննիչների, դատախազների ու դատավորների մոտ անպատասխանատվության, անպատժելիության զգացում է ծնում քրեական գործի հարուցման հիմքերը թերի ստուգելու և քրեական դատավարության այդ փուլում թույլ տրված այլ սխալների նկատմամբ: Այսպես, ՍՍՀՄ Գլխավոր դատախազի ցուցումով Գոմել քաղաքում իրավախախտումների դեմ մղվող պայքարի վիճակի ստուգմամբ պարզվել են Քրեական գործի հարուցումն անհիմն ու ապօրինի մերժելու և քրեական գործի կարճման ոչ քիչ փաստեր: Բացահայտվել են նաև հանցագործությունները գրանցումից թաքցնելու փաստեր, որ, անշուշտ, բացասաբար էին ազդում հանցագործությունների դեմ մղվող պայքարի վրա¹:

Այդ պատճառով էլ հանցագործությունների վերաբերյալ դիմումներին, հայտարարություններին ընթացք տալու գործում հարկավոր է ապահովել: Պատախազի մշտական, կանոնավոր և պահանջկոտ հսկողությունը: Հանցագործությունների վերաբերյալ ստացված սկզբնական տեղեկությունների օրինական և հիմնավորված լուծումն ապահովելու նպատակով դատախազը պետք է ամենայն պահանջկոտությամբ ստուգի ձեռք բերված նյութերի որակը: Մասնավորապես պետք է պարզի. ստացվե՞լ են արդյոք անհրաժեշտ բացատրություններ և պահանջվե՞լ են անհրաժեշտ նյութեր դիմումում կամ հայտարարությունում նշված հանցանքի մասին, արդյոք հակասություններ չկա՞ն սկզբնական նյութերում, անհրաժեշտություն չկա՞ օպերատիվ հետախուզական աշ-

¹ Г. Негода, Основная задача проверки—принятие мер и оказание помощи на месте («Социалистическая законность», 1985, № 1, с. 29).

խատանք կատարելու, ճիշտ է կիրառվել օրենքը: Քրեական գործի անհիմն մերժում հայտնաբերելու դեպքում «դատախազը վերացնում է քրեական գործի հարուցումը մերժելու մասին որոշումը, քրեական գործ է հարուցում և նյութերն ուղարկում է հետաքննություն կամ նախաքննություն կատարելու²: Այսպես, օրինակ, քաղաքացի Խ-ի անձնական սեփականության իրավունքով պատկանող ՄՄՍԿՎԻՂ-412» մականիշի ավտոմեքենան փախցնելու փաստով Սրեան քաղաքի Սովետականի շրջանի ՆԳ բաժինը քրեական գործի հարուցումը մերժելու մասին որոշում է կայացրել այն պատճառաբանությամբ, որ միլիցիայի աշխատակիցներ Կ-ն և Ա-ն տեսել են մեքենան փախցնողներին՝ 10—12 տարեկան երեխաների, որոնք դեռևս քրեական իրավունքի սուբյեկտ չեն: Քրեական գործի հարուցումը մերժելու նման պատճառաբանությունը չի բխում օրենքի պահանջներից: Ուստի, դատախազը մերժման որոշումը վերացրել է և քրեական գործ է հարուցել ՀՍՄՀ քրեական օրենսգրքի 180 հոդվածով:

Պրակտիկայում հաճախ դատախազը վերացնում է քրեական գործի հարուցումը մերժելու մասին կայացված որոշումը և նյութերն ուղարկում է հետաքննության մարմնին կամ քննիչին լրացուցիչ ստուգում կատարելու համար: Դատախազը միաժամանակ նշում է սկզբնական նյութի նախնական ստուգման ընթացքում թույլ տրված թերությունները և բացթողումները, հանձնարարում է ստուգել ու ճշտել որոշ հանգամանքներ, ելնելով քրեական դատավարական օրենսգրքի պահանջներից, ժամկետ է սահմանում լրացուցիչ ստուգումն անցկացնելու համար:

Քրեական գործի հարուցումը մերժելու վերաբերյալ որոշման օրինականության ստուգման ընթացքում, երբ պարզվում է, որ այն կայացվել է անբավարար ստուգված նյութերով, որոշ իրավաբանների կարծիքով, լրացուցիչ ստուգումներ անցկացնելու պրակտիկան ինքնըստինքյան հասկանալի երեվույթ է³: Կան նաև հեղինակներ, որոնք գտնում են, որ նման դեպքերում դատախազին պետք է վերապահվի ստուգման ժամկետը երկարացնելու իրավունք⁴: Վերոհիշյալ տեսակետների խոր վերլուծություն չկատարելով՝ նշենք միայն, որ լիովին կիսում ենք Ս. Սամոյլովի կարծիքն այն մասին, որ լրացուցիչ ստուգում անցկացնելը օրենքի վրա չհիմնված և հակասական պրակտիկա է⁵: Այդպիսին է նաև ՍՍՀՄ Դատախազության և ՆԳՄ դիրքորոշումը⁶: ՍՍՀՄ Դատախազությանում և ՆԳՄ-ում հաշվետվության ձև է մտցված, որտեղ նախատեսված է քրեական գործի հարուցումը մերժելու մասին կայացված որոշումը վերացնելու հետ միաժամանակ քրեական գործ հարուցել: Այս հարցի հետազոտությունը պահանջում է հաշվի առնել այն հայտնի դրույթը, որի համաձայն այն ժամկետը, որը տևում է հանցանք կատարելու պահից մինչև քրեական գործի հարուցումը, պետք է հնարավորին չափով կրճատվի: Այդպիսով, ճիշտ է դրվում հանցագործության մասին դիմումների ու հայտարարությունների արագ ստուգման հարցը և քաջբշուկը վերացնելու պահանջը:

² Л. А. Быков, Н. В. Маслов, В. И. Ремнев, Законность возбуждения уголовного дела, М., 1967, с. 41.

³ См. М. Ю. Рагнинский, В. П. Рябцев, Н. С. Трубин, Прокурорский надзор за соблюдением требований закона при учете и разрешении заявлений и сообщений о преступлениях, М., 1977, с. 66, 67; М. А. Ковалев, Прокурорский надзор за обеспечением прав личности при расследовании преступлений, М., 1981, с. 109 и др.

⁴ См. В. В. Степанов, Предварительная проверка первичных материалов о преступлениях, Саратов, 1972, с. 125; В. Афанасьев, А. Чувилев, Ю. Белозеров, Незаконные отказы в возбуждении уголовного дела («Социалистическая законность» 1971, № 7, с. 29) и др. Պետք է նշել, որ այս հեղինակներն առաջարկում են հարկ եղանակներով տարբեր ժամկետներով երկարացնել նախնական ստուգումը:

⁵ С. Самойлов, Законность отмены решений об отказе в возбуждении уголовного дела («Социалистическая законность», 1982, № 4, с. 65).

⁶ Նույն տեղում, էջ 65:

ՌՍՖՍՀ քրեական դատավարության օրենսգրքի 112 հոդվածի 3-րդ մասի համաձայն քննիչը կամ հետաքննության մարմինը քրեական գործի հարուցման որոշման պատճենն անհապաղ ուղարկում է դատախազին: Ծիշտ կլինե՞ր համապատասխան լրացումներ մտցնել ՀՍՍՀ քրեական դատավարության օրենսդրում, որտեղ այդ մասին ոչինչ ասված չէ:

Օրենսդրությամբ նախատեսված չէ նաև հետաքննության մարմնի և քննիչի պարտականությունը՝ քրեական գործի հարուցումը մերժելու դեպքում այդ մասին դատախազին անհապաղ տեղյակ պահելու վերաբերյալ: Վ. Մավիցկին նշում է, որ գործի հարուցման մերժումը ենթադրում է դատախազի հսկողական լիազորությունների միայն միանգամայն օգտագործում, և այդ պատճառով մերժման մասին դատախազին տեղեկացնելը խիստ անհրաժեշտ է դառնում: Կրականության մեջ միանգամայն ճիշտ է նշվում⁸, որ ճնշատակահարմար է թվում այնպիսի կարգի սահմանում, որի համաձայն քննիչը և հետաքննության մարմինները պարտավոր են դատախազին անհապաղ ուղարկել գործի հարուցումը մերժելու մասին որոշման պատճենը⁹: Այդ կապակցությամբ նպատակահարմար է համապատասխան լրացումներ մտցնել ՀՍՍՀ քրեական դատավարության օրենսգրքի 104 հոդվածում:

Պրակտիկայում, որպես կանոն, մեկ-երկու օրվա ընթացքում դատախազին է ուղարկվում քրեական գործի հարուցումը մերժելու մասին որոշումը: Դատախազը ստուգում է կայացված որոշման օրինականությունը և իր որոշմամբ հաստատում կամ վերացնում է այն: Քրեական դատավարության օրենսգրքի պահանջների կոպիտ խախտումներ կամ հանցագործությունների մասին սկզբնական նյութերի նախնական ստուգման ընթացքում լուրջ թերություններ հայտնաբերելու դեպքում դատախազը համապատասխան մարմնին միջնորդակի է ներկայացնում՝ նշելով օրինականության խախտումները, աշխատանքում տեղ գտած այլ թերությունները և պահանջում է բարելավել ստուգման որակը: Դատախազը միաժամանակ պարզում է օրինականության խախտման պատճառները, բարձրացնում մեղավոր պաշտոնատար անձի պատասխանատվության հարցը: Նա նաև հսկում է, որ իր պահանջները կատարվեն ամենակարճ ժամկետներում և ձեռնարկված միջոցառումների մասին տեղյակ պահեն իրեն: Դա նպաստում է պաշտոնատար անձանց կողմից թույլ տրվող օրինականության խախտումների կանխման: Այսպես, անորոշ ժամանակով արդելված արհեստով զբաղվելու փաստով Մյասնիկյանի շրջանի ՆԳ բաժնի խիստ թերի նախապատրաստած նյութերով քրեական գործի հարուցումը մերժելու մասին անհիմն կայացրած որոշումը վերացրել է շրջանի դատախազը: Նշված փաստով վեր են հանվել նյութերի նախապատրաստման ընթացքում տեղ գտած թերությունները, տրվել են կոնկրետ հանձնարարություններ և ՆԳ բաժնին հասցեագրված միջնորդագրում նշվել է, որ տեսուչը ստուգման ընթացքում ցուցաբերել է օպերատիվ աշխատողի ցածր մակարդակ և այդ պատճառով քաղաքացի Ա.-ն խուսափել է քրեական պատասխանատվությունից, իսկ նրա հանցակիցները ժամանակին չեն բացահայտվել: Շրջանի դատախազը նշել է, որ այդ հարցը հարկավոր է քննարկել օպերատիվ խորհրդակցությունում և համապատասխան միջոցներ ձեռնարկել օպերատիվ անձնակազմի պատասխանատվության բարձրացման ուղղությամբ՝ քննարկման արդյունքների մասին իրեն հայտնելով:

⁷ В. М. Савицкий, Очерк теории прокурорского надзора, М., 1975, с. 125.

⁸ Н. С. Алексеев, В. З. Лукашевич, Ленинские идеи в советском уголовном судопроизводстве (возбуждение уголовного дела и предварительное расследование, Л., 1970, с. 48; Р. М. Готлиб, Прокурорский надзор за исполнением законов при производстве дознания органами милиции (Автореферат канд. дисс., Л., 1970, с. 8); В. М. Савицкий, *նշվ.* աշխ., էջ 125:

⁹ В. В. Степанов, *նշվ.* աշխ., էջ 121:

Քրեական գործի հարուցման փուլում պատասխանատվության անխուսափելիությունը ապահովելու պայմաններից մեկը հանցագործության փաստի առթիվ քրեական գործի հարուցումն է։ Իրավաբանական գրականության մեջ քննարկման նյութ է այն հարցը, թե կարելի է արդյոք քրեական գործ հարուցել կոնկրետ անձի նկատմամբ (ինչպես հաճախ ձևակերպվում են այդ որոշումները)։ Այսպես, Ա. Միխայլենկոն գտնում է. «Ծթե քրեական գործի հարուցման փուլում հայտնի է հանցագործություն կատարած անձը, կա կասկած՝ յալ, ապա քրեական գործը պետք է հարուցվի ոչ միայն կատարված հանցանքի փաստով, այլև կոնկրետ անձի նկատմամբ»¹⁰։ Մ. Ռագինսկին նշում է, որ քրեական գործերը կարող են հարուցվել «միայն հանցանքի փաստի կապակցությամբ, քանի որ սովորաբար քրեական պատասխանատվության ենթակա անձն անհայտ է գործի հարուցման պահին։ Սակայն այնպիսի հանցագործությունների փաստերով, ինչպիսիք են փախուստը, դատաբռությունը և այլն, քրեական գործը կարող է հարուցվել նաև որոշակի անձի դեմ, բայց միայն այն դեպքում, երբ նրա գործողություններում հանցանշաններ են դիտվում»¹¹։

Քրեական գործի հարուցումը կոնկրետ անձի դեմ նախատեսված է ընդհանուր զինապարտության մասին ՍՍՀՄ օրենքի 98 հոդվածով, ՀՍՍՀ քրեական դատավարության օրենսգրքի 56 հոդվածի 3-րդ մասով և 247 հոդվածով, ՌՍՖՍՀ քրեական դատավարության օրենսգրքի 9-րդ հոդվածի 3-րդ մասով և 256 հոդվածով, ՈՒՍՍՀ քրեական դատավարության օրենսգրքի 277 և 279 հոդվածներով և այլն։ Որոշ հեղինակներ¹² վիճարկում են այն գրույթը, որն «արդարացնում է կոնկրետ անձի դեմ քրեական գործի հարուցումը»¹³։ Մ. Կովալյուովի տվյալներով կոնկրետ անձի նկատմամբ քրեական գործի հարուցման պրակտիկան տարածված է հատկապես խուլիգանության գործերում։ «Նույն դատության փաստի առթիվ Մոսկվա քաղաքի Հոկտեմբերյան և Պերովյան շրջանների միլիցիայի աշխատողների հարուցած գործերի մոտավորապես 50 տոկոսը նշումներ են պարունակում խուլիգանական գործողություններ կատարող անձի մասին»¹⁴։ Այդ պրակտիկան, որի նպատակն է մեղավոր անձին հնարավոր չափով արագ քրեական պատասխանատվության ենթարկելը; ունի նաև իր բացասական կողմերը։ Հաճախ կոնկրետ անձի նկատմամբ քրեական գործի հարուցման դեպքում միակողմանի քննություն է կատարվում, լրիվ չեն պարզ-

¹⁰ А. Р. Михайленко, Возбуждение уголовного дела в советском уголовном процессе, Саратов, 1975, с. 136.

¹¹ См. «Научно-практический комментарий УПК РСФСР», издание 3-е, под ред. Л. Н. Смирнова, М., 1970, с. 161; «Комментарий к уголовно-процессуальному кодексу РСФСР», под ред. А. М. Рекунова и А. К. Орлова, М., 1981, с. 151, п. 17.

¹² М. С. Строгович, Курс советского уголовного процесса, т. 1, М., 1968, с. 276, т. 2, М., 1970, с. 12; «Уголовный процесс», под ред. М. А. Чельцова, М., 1969, с. 183; Н. В. Жогин, Ф. Н. Фаткулин, Возбуждение уголовного дела в советском уголовном процессе, М., 1961, с. 180—183; Г. Ясинский, Надзор прокурора за законностью возбуждения уголовных дел («Социалистическая законность», 1965, № 6, с. 54; М. А. Ковалев, *Уд. ш.*, էջ 100- ն ու լ ի ՚ Процессуальные вопросы прокурорского надзора в стадии возбуждения уголовного дела (Автореферат канд. дисс., М., 1974, с. 13—14 и др.).

¹³ В. П. Борисов, Расследование квартирных краж (Автореферат канд. дисс., Душанбе, 1970, с. 110). Այն հարցը, թե ի՞նչ պետք է գրել քրեական գործի հարուցման մասին կայացված որոշման մեջ՝ գործը հարուցել անձի դեմ, թե՞ փաստի առթիվ, Մ. Բրայնինը համարում է սխալատիկ և նշանակություն չունեցող (տե՛ս М. Брайнин, Рецензия на кн.: Р. Д. Рахунов, Возбуждение уголовного дела в советском уголовном процессе, М., 1954; «Социалистическая законность», 1955, № 11, с. 79, 80). Սակայն այդ կարծիքի հետ չի կարելի համաձայնել։

¹⁴ М. А. Ковалев, Прокурорский надзор за обеспечением прав личности при расследовании преступлений, с. 100.

վում գործի բոլոր հանգամանքները և հետաքննության մարմնի, քննիչի ու դատախազի ուղադրությունից վրիպում են հանցակիցները: Նման դեպքերում հանցագործության կազմակերպիչների, դրդիչների և օժանդակողների համար պատասխանատվությունից խուսափելու հնարավորություն է առաջանում:

Իհարկե, կոնկրետ անձի նկատմամբ քրեական գործի հարուցումը միակողմանի և ոչ լրիվ քննության անմիջական նախադրյալ չէ, սակայն իր մեջ պարունակում է այդ հնարավորությունը և լրիվ չի ապահովում բոլոր մեղավորներին պատժելու անխուսափելիությունը: Միանգամայն ճիշտ են այն հեղինակները, որոնք նշում են, որ «անձը մեղադրյալի վիճակի մեջ է դրվում ոչ թե քրեական գործի հարուցման ակտով, այլ նրան, որպես մեղադրյալի, պատասխանատվության ենթարկելու մասին կայացված ակտով (ինչպես նաև անձը կասկածյալի վիճակի մեջ է դրվում ՌՍՖՍՀ քրեական դատավարության օրենսգրքի 52 հոդվածի համաձայն նրան ձերբակալելու կամ նրա նկատմամբ մինչև մեղադրանք առաջադրելու խափանման միջոց կիրառելու հետևանքով)»¹⁵: Նույն դրվածքն է սահմանված միութենական բոլոր հանրապետությունների քրեական դատավարական օրենսդրությամբ:

Քրեական գործի հարուցման ակտում կոնկրետ անձին մատնացույց անելը իրավաբանորեն և փաստացի կապում է տվյալ անձը գործի հետ: Միանգամայն ճիշտ է նշել Ա. Կոնին, որ «քրեական հետապնդումը բավականին լուրջ երևույթ է և այդ պատճառով չի կարող ամենամանրակրկիտ կշռադատվելու անհրաժեշտություն չառաջացնել»: Ո՛չ դատարանի միջոցով և ո՛չ էլ անգամ մինչև դատի տալը գործի կարճումը հաճախ չեն կարող հարթել նյութական և բարոյական այն վնասը, որը հասցվել է մարդուն՝ նրան շտապողաբար և անհիմն կապելով քրեական գործին»¹⁶: Դա բարոյական, հոգեբանական, սոցիալ-քաղաքական և իրավաբանական ճնշում է գործադրում այն անձի վրա, որն օրենքով սահմանված կարգով չի ճանաչվել ո՛չ կասկածյալ և ո՛չ էլ մեղադրյալ: Դա չի նպաստում գործի հանգամանքների բազմակողմանի, լրիվ և օբյեկտիվ հետազոտմանը՝ սկսած գործի հարուցման պահից, և ոտնահարում է անձի իրավունքներն ու օրինական շահերը:

Հաշվի առնելով վերոհիշյալը՝ նպատակահարմար է ՀՍՍՀ քրեական դատավարական օրենսգրքի 56 հոդվածի 3-րդ մասը շարադրել նոր խմբագրությամբ: Մասնավորապես կարելի է շարադրել. «Ձի թույլատրվում երաշխավորության հանձնել և այդ հիմքերով գործը կարճել կասկածյալի կամ մեղադրյալի նկատմամբ, որը նախկինում դատապարտված է եղել դատավարական հանցագործության համար կամ արդեն հանձնված է եղել երաշխավորության»:¹⁷ «Այն անձի նկատմամբ» բառերը «կասկածյալի կամ մեղադրյալի նկատմամբ» բառերով փոխարինելը ավելի ճիշտ կարտահայտի օրենքով նախատեսված կարգով քրեական պատասխանատվության ենթարկված անձանց նկատմամբ սահմանված արգելքի էությունը:

Նշված ընդհանուր կանոնը չի տարածվում մասնավոր մեղադրանքի գործերի վրա, երբ գործի հարուցումն ու դատի տալը կատարվում են միաժամանակ և ձևակերպվում են մեկ դատավարական փաստաթղթով¹⁸: Քանի որ «այդպիսի գործերով անձին քրեական պատասխանատվության ենթարկելու մասին հատուկ ակտ չի կազմվում, մեղադրանքը ձևակերպվում է անմիջապես քրեական գործի հարուցման մասին որոշման մեջ...»¹⁹:

Հարկավոր է նշել, որ նոր անձի նկատմամբ քրեական գործի հարուցումը ՀՍՍՀ քրեական դատավարական օրենսգրքի 247 հոդվածի համաձայն արմա-

¹⁵ Նույն տեղում, էջ 100—101: Տե՛ս նաև Н. В. Жогин, Ф. Н. Фаткулин, *Удл. мзл.*, էջ 151—152:

¹⁶ А. Ф. Конин, *Избранные произведения. Воспоминания*, т. 2, М., 1959, с. 401.

¹⁷ «Комментарий к УПК РСФСР», М., 1981, с. 151, п. 20.

¹⁸ Н. В. Жогин, Ф. Н. Фаткулин, *Удл. мзл.*, էջ 132:

տապես տարբերվում է հետաքննության մարմնի, քննիչի, դատախազի հարուցած գործերից, և նշված կարգը պրակտիկայում իրեն լիովին արդարացնում է¹⁹։ Դա առաջին հերթին պայմանավորված է այն հանգամանքով, որ նոր անձի նկատմամբ, մինչև գործի հարուցումը, դատարանը ոչ թե անցկացնում է քրեական գործի հարուցման հիմքերի առկայության նախնական ստուգում, այլ դատական քննության ժամանակ, պահպանելով ՀՍՍՀ քրեական դատավարական օրենսգրքի 236 և 237 հոդվածների պահանջները, գործի հանգամանքների բազմակողմանի, լրիվ և օբյեկտիվ հետազոտություն կատարելու միջոցով ստույգ պարզում է այն պայմանները, որոնք ուղղակիորեն մատնացույց են անում քրեական պատասխանատվության շենթարկված, սակայն հանցանք կատարած անձին։ Այդ դեպքերում դատարանը քննության է առնում նոր անձի նկատմամբ քրեական գործ հարուցելու հարցը, որոշում է կայացնում և ՀՍՍՀ քրեական դատավարական օրենսգրքի 247 հոդվածի համաձայն անհրաժեշտ նյութերը ուղարկում է հետաքննություն կամ նախաքննություն կատարելու։ Նոր անձի նկատմամբ քրեական գործի հարուցման սահմանված կարգը չի հակասում այն դեմոկրատական սկզբունքներին, որոնց վրա հիմնված են քրեադատավարական իրավահարաբերությունները։

ОБЕСПЕЧЕНИЕ НЕОТВРАТИМОСТИ НАКАЗАНИЯ В СТАДИИ ВОЗБУЖДЕНИЯ УГОЛОВНОГО ДЕЛА

АРА ЕРЕМЯН

Р е з ю м е

Неотвратимость наказания за совершенные и подготавливаемые преступления обеспечивается, в первую очередь, вынесением законного и обоснованного постановления о возбуждении уголовного дела. Каждый случай вынесения незаконного постановления о возбуждении или об отказе в возбуждении уголовного дела негативно отражается на организации борьбы с преступностью. При этом практика производства дополнительной проверки после вынесения постановления об отказе в возбуждении уголовного дела не основана на законе. Возбуждение уголовного дела в отношении конкретного лица юридически и фактически связывает данное лицо с уголовным делом, не способствуя при этом всестороннему, полному и объективному исследованию обстоятельств дела уже с момента его возбуждения. Вышеуказанное положение не распространяется на возбуждение уголовных дел по делам частного обвинения и в порядке ст. 247 УПК Армянской ССР.

Правовое обеспечение законности и обоснованности возбуждения и отказа в возбуждении уголовного дела нуждается в дальнейшей разработке.

¹⁹ Դատարանի կողմից հանցանքին մասնակից բոլոր անձանց բացահայտելու և հայտնաբերված փաստով նոր անձի նկատմամբ քրեական գործ հարուցելու միջոցով նրանց պատասխանատվության ենթարկելու անհրաժեշտության մասին տե՛ս Ս. Ա. Шлыков, Л. С. Симкин, Судебная практика по делам об обмане покупателей и заказчиков («Комментарий судебной практики за 1982 год», под. ред. Е. В. Болдырева, А. И. Пергамент, М., 1983, с. 111). Նոր անձի նկատմամբ քրեական գործի հարուցման հնարավորության մասին նշում է Վ. Սափիգյան, գրական պատասխանելով այն հարցին, թե «կարո՞ղ է արդյոք գատարտել քրեական գործ հարուցել անձի նկատմամբ, որի մասին գոյություն ունի դատախազի, քննիչի, հետաքննության մարմնի կայացրած և չվերացրած որոշումը քրեական գործի հարուցումը մերժելու մասին նույն փաստերով» (տե՛ս В. М. Савицкий, նշվ. աշխ., էջ 131)։